



# DOAIBMAPLÁNA 2011

## Sisdoallu

<b>1. OPPALOHKÁI</b> .....	<b>3</b>
1.1. Sámi Siida 50-jagi ávvogirji.....	3
1.2. Sámeiguovllu ovttasbargu .....	3
1.3. Servodaga ovddideapmi .....	4
1.4. Sámeskuvlla asaheapmi .....	4
1.5. Sámeigiela ja –kultuvrra ovddideapmi .....	4
1.6. Diehtujuohkindoaimmat.....	5
<b>2. DOAIMMAT</b> .....	<b>6</b>
2.1. Oktasaš mátkkit .....	6
2.2. Lávlun- ja juoiganeahkedat.....	6
2.3. Skábmadoalut .....	6
2.4. Sámiid álbmotbeaivi.....	6
2.5. Giellaságastallamat .....	6
2.6. Čállin-, govven- ja mediabádji .....	7
2.7. Astoáigge teáhterdoaibma .....	7
<b>3. DEANULEAGI MÁNÁID JA NUORAIÐ VALÁŠTALLAN JA KULTURSKUVLLA</b> .....	<b>7</b>
3.1. Valástallan.....	7
3.2. Bándirieggát.....	7
3.3. I Deanuleagi mánáid ja nuoraid dáiddadáhpáhus.....	8
3.4. Astoáigge teáhterdoaibma .....	8
3.5. Mánáid- ja nuoraid duodje- ja dáiddadoaibma .....	8
3.6. Ealligovvabádji.....	8
<b>4. EARÁ PROŠEAVTTAT</b> .....	<b>9</b>
4.1. Áviisaprošeakta.....	9
4.2. Ohcejoga historjjá ja báikenamat CD-Rom .....	<b>Virhe. Kirjanmerkkiä ei ole määritetty.</b>

## **1. OPPALOHKÁI**

Sámi Siida rs lea Ohcejoga báikkálaš sámesearvi ja davvisámegiela searvi. Searvvi njuolggadusaid mielde searvvi ulbmiliidda gullá Ohcejoga guovllu sámiid sosiálalaš, vuoigatvuodalaš, kultuvralaš ja almmolaš ekonomálaš vuoigatvuodaid ovddidanbarggu. Maiddái oktasašbargu rastá riikkaid rájá gullá searvvi bargui. Dáid ulbmiliid ollašuttimii searvi ordne sierralagan doaluid ja deaivvadeamiid ja ordne doaimmaid mánáide ja nuoraide.

Čearddalaš iešdovddu olis searvi ordne álbmotbeaivvi doaluid ovttas Sirpmá giliseruviin. Jagis 2011 lea Sámi Siida vuorru lágide álbmotbeaidoaluid Ohcejogas. Jagis 2011 searvi vuoruhá sámegeala ovddidandoaimmaid eandaliige mánáid ja nuoraide gaskkas.

### **1.1. Sámi Siida 50-jagi ávvogirji**

Jagis 2009 golai 50 jagi das go sámenuoraide searvi ásahevvui Anáris. Dát searvi lei Sámi Siida álgosearvi ja nu sáhttáge Sámi Siida ávvudide 50-jagi. Jahki 2010 lei searvvi ávvujahki ja skábmamánuš lágidevvojedje 50-jagi ávvudoalut.

Sulo Lemet Aikio lea čállán searvvi 40-jagi historjáčállosa, mii šaddá leat oassin ávvogirjiis. Ávvogirjii várás ásahevvu bargojoavku dahje refereansafoavku. Searvi ohcá ruđa ja koordináhtora guhte čohkke materiála ja doaimmaha Sámi Siida 50-jagi ávvogirji.

### **1.2. Sámevuođu ovttašbargu**

Sámi Siida váldá oasi Suoma Sámiid Guovddášsearvvi bargui áktivevvalaččat. Dát sáhttá dahkkot omd. álgagide dahkamiin ja oassálastimiin čoahekkimiidda ja eará doaluide.

Ohcejoga sámesearvi Sámi Siida lea lahka Sirpmá valástallansearvvi, Deanu kulturskuvlla, Kárášjoga kulturskuvlla, Issát Saba guovddáža Vuonnabáđas ja Sirpmá gilisearvvi. Dáidda ja vejolaš eará servviide ja

servošiidda dollo jeavddalaš oktavuoha ja fievrriduvvojit oktasaš doaimmat. Dán ovttasbarggu álkidahttima várás searvvis doibmet ruoktosiiddut ja Facebook servoš man bokte lea álkkit juohkit dieđuid dáhpáhusaid ja áigeuovdilis áššiid birra ja doallat oktavuodaid.

### **1.3. *Servodaga ovddideapmi***

Searvi joatká servodatáššiid ovddideami. Dát dahkko maiddái ovttas eará servviiguin ja berošteaddjiiguin. Searvi čuovvu jođus leahkki lávva- ja eará servodatplánemii guoski gažaldagaid aktiivalaččat ja geahččala váikkuhit dáidda. Ordnejuvvo dárbbu mielde oktasaš deaivvadeapmi lagaš guovllu servviiguin. Sámi Siida oassálastá Ohcejoga gieldda mánggaámmátlaš oktasašbargui ja eará ovttasbarggu viggamušaide mat doibmet Sámi Siida ulbmiliid mielde.

### **1.4. *Sámeskuvlla asaheapmi***

Sámi Siida joatká čielgadeamis geavatlaš beliid sámeskuvlla ásaheamis, ja ohcá Oahpahus- ja kulturministerijas oahpahuslobi sámeskuvlla álggaheapmái. Sámi Siida sáhtta okto dahje ovttas eará servviiguin ohcat dán lobi dahje okto dahje ovttas earáiguin ásaheamis doarijasearvvi dahje vuodđudusa sámeskuvlla doaimmaheami ja eará sámegeiela ovddidandoaimmaid várás.

### **1.5. *Sámegeiela ja -kultuvrra ovddideapmi***

Sámi Siidii miedihuvvui jagi 2008 Gollegiella bálkkašupmi. Giellabálkkašupmi miedihuvvo ovttaskas olbmuid dahje servošiidda mat leat bidjan erenomaš ollu návccaid sámegeiela seailluheapmái, ovddideapmái dahje gárggiideapmái. Sámi Siida juogadii bálkkašumi ubmisápmelaš Henrik Barrukkiin. Bálkkašupmi movttidahtta searvvi bargat ain viidásabbot sámegeiela ovdii.

Searvi juohká sámegeielat skuvlalaččaide stipeanttaid sin movttidahttiimii geavahit aktiivalaččat sámegeiela ja váldit lasi oahpu.

Searvvi buot doaimmat lágiduvvojit sámegeilli. Erenomaš dáhpáhusas geavahuvvo maid suomagiella dahje eará gielaid. Searvi bargá nannosebbot sámegeiela ovddideapmin eandalitge mánáid ja nuoraid gaskkas.

Searvvi mánáid- ja nuoraiddoaimma “Deanuleagi mánáid ja nuoraid valáštallan ja kulturskuvlla” ulbmilin lea movttiidahttit mánáid ja nuoraid geavahit sámegeiela ja dovdat čavláivuoda sáme kultuvrras.

### **1.6. Diehtujuohkindoaimmat**

Searvi lea ráhkadahttán ruoktosiidduid internehtti ([www.samisiida.org](http://www.samisiida.org)) jagis 2005. Ruovttusiidduide lea ostojuvvon geavahančoavddus nu ahte siidduid sáhtášedje eambbosat beaivádit. Diehtujuohkin lea álkkimus ja beaktil internehta bokte. Siidduin mitaluvvo searvvi doaimmaid birra ja sáhtta almmustahttit cealkámušaid, beavdegirjiid ja doaibmaplánaid. Daid bokte sáhtta maiddái gulahallat lahttuiguin ja eará servviiguin ja almmustahttit eará lagaš servviid almmuhusaid sin dahpahasaid birra. Ruoktosiidduid sáhtta geavahit ávkin servviid gaskašas gulahallama buorideamis. Siidduid bokte sáhtta maid alggahit Ohcejoga sápmelaččaide guoski ođđasiid buvttadeami ja vejolaččat web-áviisa almmustahttima.

Sámi Siida lea maid čohkken oktii visot Ohcejotnjálmmi ja Sirbmá valáštallandoaimmaid, ráhkadahttán almmuhusa ja juohkán dan viidát Ohcejogas ja Sirbmás. Searvi joatká dákkár diehtujuohkindoaimmain maid jagis 2011.

## 2. DOAIMMAT

### 2.1. *Oktasaš mátkkit*

Sámi Siida lágida oktasaš mátkkiid searvvi lahtuide.

### 2.2. *Lávlun- ja juoiganeahkedat*

Sámi Siida lágida sámegielat lávluneahkediid. Ulbmiliin lea čohkket boares olbmuid, bearrašiid, mánáid ja nuoraid ovttas lávlut sámegielat lávlagiid, juoigat ja káfestallat. Dán oktavuodas Sámi Siida čohkke sámegielat lávlagiid gihpagin. Searvi guorahallat sámegielat doarjjamateriála lávluneahkediidda. Oččodit maid Karaoke teavsttaid.

### 2.3. *Skábmadoalut*

Sámi Siida lea lágidan moanaid gerddiid skábmadoaluid man ulbmilin lea ovddidit sámi báikkálaš kultuvra, čohkket olbmuid návddašit luodis, musihkas ja dáidagis sihke virkosmahttit olbmuid skápmaáigge. Skábmadoaluide gullet árbevirolaččat sámi mállásat. Skábmadoaluid lágida 2011 olles vahku ja Sápmi Talent Deatnu 2011 šaddá leat oassin Skábmadoaluin.

### 2.4. *Sámiid álbmotbeaivi*

Sámiid álbmotbeaivi 6.2.2011 ordnejuvvo Ohcejogas. Sámi Siida lea juo álbmotbeaivvi ásaheami rájes ordnen ávvodoaluid ja dat leat sajáiduvvan bures maiddái hámi dáfos guvlui. Beaivái gullet heargevuodjin ja njoarostanoahppu, kulturprográmma, ávvusáhka ja sámi mállásat.

Ohcejoga ja Sirpmá álbmotbeaidoalut leat šaddan Deanuleagi olbmuid lunddolaš deaivvadanbáikin. Searvi lea lágidan doaluid ovttas Sirpmá giliservviin ja vuoruid mielde ordnejuvvon Ohcejotnjálmme ja Sirpmás.

### 2.5. *Giellaságastallamat*

Sámi Siida lágida ságastallaneahkediid sámegielagiidda ja daidda geat leat oahppamin sámegiela. Jurdda lea

gaskaneamet juogadit dieđuid odđáigásaš ja dološ sániin, dajaldagain ja doahpagiin ja dokumenteret ságastallamiid. Vejolaš fáttát leat luossabivdu, bohconamahusat, dálkkenamahusat, lottiid ja elliid namahusat, luottat ja jienat, dearvvašvuohta, báikki namat ja dálkkodeapmi jna.

### **2.6. Čállin-, govven- ja mediabáđji**

Jagis 2011 searvi lágida čállin-, govven ja mediabáđji man ulbmilin lea ahte searvvi miellahtut sáhtášedje ieža čálligoahttit odđasiid, reportášaid ja eará čállošiid Sámi Siidda ruoktosiidduide.

### **2.7. Astoáigge teáhterdoaimma**

Searvi álggaha astoáigge teáhterdoaimma mii lea oaivvilduvvon nuoraide ja ollesolbmuide. Doaimma čadahuvvo jogo bargobáđjin dahje vahkkosaš rieggán dan mielde mo orro vuohkkasut ollašuhhtit.

## **3. DEANULEAGI MÁNÁID JA NUORAID VALÁŠTALLAN JA KULTURSKUVLLA**

Go Sámi Siida ordne doaimmaid mánáide ja nuoraide, de leat doaimmat davvisámegillii ja doaimmaid birra galgá diehtu mannat váhnemiidda. Vánhemat galget addit mánnái lobi searvat doaimmaide ja fertejit ávžžuhit máná geavahit sámeziela Sámi Siidda doaimmain.

### **3.1. Valástallan**

Searvi lágida iešguđetgelágan sámezielat valástallandoaimmaid.

### **3.2. Bándiriegát**

Sámi Siida álggahii dálvit 2007 nuoraid bándiriegát. Rieggát leat doaibman dan rájes ja viidon nu, ahte dálvit 2008 álggahuvvui guokte eará bándiriegát. Dál Sámi Siiddas leat vihtta bándiriegát mat leat oaivvilduvvon ovdánan čuojaheddjiide, álggaheddjiide ja uhcit mánáide. Golbma rieggát leat Ohcejotnjálmmis ja guokte

Gáregasnjárggas. Doaibma viiddiduvvo dárbbu ja vejolašvuodaid mielde.

### **3.3. *I Deanuleagi mánáid ja nuoraid dáiddadáhpáhus***

Sámenuoraid dáiddadáhpáhusas lei bohcciidan jurdda lágídit dáiddadáhpáhusa Deanuleagi mánáide ja nuoraide nu, ahte das livččii fárus Deanu, Kárášjoga, Unjárgga skuvllat ja Sirbmá skuvllat ja Dáža bealde ja Ohcejoga, Njuorggáma ja Gáregasnjárgga skuvllat Suoma bealde.

Dáiddadáhpáhus nammaduvvui “Sápmi Talent Deatnu” ja lágíduvvo vuosttaš háve 2010. Sápmi Talent Deatnu 2011 lágíduvvo skábman dainna ulbmiliin ahte ovddida sámi musihka ja dáidaga ja ahte mánát ja nuorat oahpásmuvvet rastá rájá.

### **3.4. *Astoáigge teáhterdoaibma***

Searvi álggaha astoáigge teáhterdoaimma mii lea oaivilduvvon nuoraide ja ollesolbmuide. Doaibma čadahuvvo joga bargobádjín dahje vahkkosaš rieggán dan mielde mo orru vuohkkasut ollašuttit.

### **3.5. *Mánáid- ja nuoraid duodje- ja dáiddadoaibma***

Searvi álggaha duodje- ja dáiddadoaimma mánáide ja nuoraide.

### **3.6. *Ealligovvabádjí***

Searvi lágida ealligovvabádjí nuoraide gaskkal 12-18.



## **4. EARÁ PROŠEAVTTAT**

### **4.1. *Áviisaprošeakta***

Sámi Siida álggaha sámegielat áviisaprošeavtta man ulbmilin lea ásahit doaimmahusaid Suomabeallái. Prošeaktii oččoda eará sámegielaid servviid fárrui ja Sámi Siida geahččala ovttasbargagoahtit dálá sámegielat áviissain Norgga bealde. Prošeakta galgá almmuhit ođđasiid ja áigeguovdilis čállosiid sihke bábiráviissas ja internehtas. Prošeavtta doaibmabáiki lea Ohcejogas.

### **4.2. *Báikenammaprošeakta***

Searvi álgá čohkket dieđuid Ohcejoga historjjás ja báikenamain. Searvi álgá jearahallat boares olbmuid geain vel leat dieđut báikenamain, sogain ja dološ eallimis. Dieđuid čohkken ferte álggahuvvot jođáneamos lági mielde vai dát dieđut eai jávkka boares olbmuid jápmima mielde. Prošeavttas lea sierra prošeaktačilgehus ja dan ollašuttima várás ohccojuvvo ruhtadeapmi Pohjoisimman Lapin Leader fáddáruhtadeamis.